

却死靈童投藥大帝降符六府調和百關宣  
暢壽延祿永禍滅福生弟子某家九祖生天  
六親蒙祐九幽六趣動植飛沉各遂所宜咸  
承福利上願

龍圖鴻業地久天長文德允修武功遐著川

浮聖澤日並睿明八卦九疇再彰於清洛連

珠合璧重親於玄穹百穀無愆三農有積疵

癘不作水旱無侵風雨以時干戈永戢遍該

含識下及幽途川嶽職寮陰陽臣佐誅邪助

正弘道安人齊契道階俱昇福岸則上明

聞天尊大慈之澤下副臣等懺謝之誠謹啓以

知磬舉十二願

都講舉存神燒香

高功復爐

香官使者左右龍虎君侍香諸靈官當令臣  
向來晚朝陞壇行道之所自然生金液丹碧  
芝英百靈眾真交會在此香火爐前當願十  
方仙童玉女接侍蘭煙傳臣向來所啓之誠  
速達徑御

至真元極大道

三清上聖

吳天王皇上帝御前

知磬舉

出堂頌

引至六幕堂

出戶

道門科範大全集卷之六

正一天師清微... 共百堅 製作  
道教學術資訊網站

道門科範大全集卷之七同卷八九

廣成先生杜光庭剛定

消災星曜儀

啓壇行道

法事陞壇如式

都講舉各禮師存念如法

高功宣衛靈呪

東方

九炁青天明星大神 煥照東鄉 洞映九門

轉燭陽光 掃穢除氛 開明童子 號曰玄卿

備衛我軒 上對帝君 收魔束妖 討捕兇群

奉承正道 赤書玉文 九天符命 攝龍驛傳

普天安鎮 我得飛仙和與道合真

南方

三炁丹天 煥景流光 熒星轉燭 洞照太陽

上有赤精 合契虛皇 開明靈童 號曰華房

總統火兵 備守玉堂 斬邪束妖 勇截魔王

北帝所承 風火莫當 流鈴交煥 翊衛壇場

正道流行 敢有已狂 我享上功 坐運魁罡

億劫長存 保天無疆和與道合真

西方

七炁素天 太白流精 光耀金門 洞照太冥  
中有素皇 號曰帝靈 保神安鎮 衛我身形  
斷截邪源 玉道正明 宮殿整肅 三景齊并  
道合自然 飛昇紫庭 靈寶符命 普惠萬生  
元皇正炁 來合我身 功加一切 天地咸寧  
和與道合真

北方

五炁玄天 元始徘徊 辰星煥爛 光耀太微  
黑靈尊神 號曰魯威 統冠飛天 仙裙羽衣  
備衛五門 檢精捕非 敢有干試 豁落斬摧  
玉符所告 神真八威 邪門閉塞 正道明開  
映照我身 三光同輝 策空駕浮 舉形仙飛  
和與道合真

中央

一炁黃天 調理乾坤 陶鑪陰陽 總統玄真  
鎮星吐輝 流煥九天 開光童子 號曰天璣  
元炁陽精 焰上朱煙 洞照天下 及臣等身  
百邪摧落 殺鬼萬千 中山神呪 普天使然  
五靈安鎮 身飛上仙 和與道合真

都講舉鳴法鼓二十四通

高功發爐

無上三天玄元始三炁太上道君召出臣等  
身中三五功曹左右官使者左右捧香驛龍  
騎更侍香童傳言散花玉女五帝直符直  
日香官各三十六人出者嚴裝顯服冠帶  
垂纓關啓玄壇土地方域神真臣今宿啓告  
齋建壇歲事謹奏爲入意其諸情惻具載疏  
文以今啓壇設位備物陳儀儼清衆以無譁  
演真儀而有傲揆辰協吉錫羨云初度聲精  
誠上千層極天上天下咸乞聞知願得  
太上至真道炁靈寶慧光下降流入臣等身  
中今臣所啓之誠速達徑御  
至真无極大道  
三清上聖

吳天金闕玉皇上帝御前

都講舉請稱法位

具位臣某與臨壇列職官衆等謹同誠上啓  
大羅九皇至尊十方上聖三界應感一切真  
靈巨闡天不祐于鮮德內盡情而可以動穹

極之尊士不崇於匪儀外盡文而可以舉仙

科之祕惟致情文之謹乃蒙真聖之臨況三  
錄重黃錄之儀而九壇貴黃壇之盛今則恭  
被叢楹之祕肅開華綱之場旗獵天風召五  
方之真氣劍橫北斗淨千里之妖氛衆香馥  
以揚烟法鼓琅而振響儼洪規而肇始勸衆  
志以惟寅吟空洞謠歌之章延上聖高尊之  
馭大敷張於齋格用懺洗於罪根伏願凡惻  
遙通帝心下降誕形丕應洞察至誠先遣監  
齋監醮真官侍經侍香仙媛傳言玉女奏事  
金童來臨主潔之場共領忱情之禱證明法  
事周洽願心然後玉羽群翔駐鸞駮於靜夜  
翠華咸建肆玉軼於層空或乘胎化之仙禽  
或駕飛雲之天駟紛然來格敢不欽承啓茲  
玄感上御

至真无極道前

知磬舉起敬贊

唱十方

禮足各長跪皈皈命懺悔  
巨法衆等志心皈皈神皈命

十方无極大道太上靈寶天尊恭望洪慈洞垂巨澤普降洪恩臣聞盡天下之物不足以交神明修習中之誠斯可以應天地矧乃玄元之教莫非清淨之門儻三業六根之過存豈一純二精之能格當齋科之謹始欲塵慮以先除庶藉宣揚以伸昭格伏念臣與醮主恭自從曠劫乃至今生三業根深十惡障重有妙湛之體為情所昏有虛明之用為物所蔽欲惡盛而性有荏葦聞見踈而智亦聾盲不能外身而多身殃不能減口而多口過意有所至愛有所為積其有涯之生造徧無邊之罪今則對列真而懺悔體妙道以修為諸業生於諸根塵塵是妄有身孰不有恙物物迷真爰即靈壇盡祛惡障心踈淪而內觀無礙性虛淨而外境不為翦翦之佞皆除津津之惡悉去已作之故業永不蹈於覆車未造之新殃更不投於深窞庶全身而遠罪無見利以忘真伏願眾聖洞昭皇靈速燭以瑤池之水洒濯於群心以甘露之華滌除於眾垢衰相罪根之消滅靈光慧性之圓明恪堅為

善之心仰俟降康之澤禍沉九地福起十方  
臣等稽首禮謝  
無上至真三寶

布真文

知聲舉三啓頌 三禮

重稱法位

具位臣某與合壇官眾等謹同誠上啓  
虛无自然元始天尊太上玉晨大道君大王  
金闕老君太上昊天玉皇上帝九皇至尊十  
方靈寶天尊諸天大帝三十六部尊經玄中  
大法師上相上宰上保上傳三官五帝十一  
大曜星君十神太一真君南斗六司星君北  
斗七元星君周天乾象二十八宿十二官神  
三百六十五度諸天列宿本命元辰天曹職  
司九天真宰三山五嶽福地靖廬厚地洞宮  
獄瀆主宰三界應感一切真靈巨聞天不顯  
符默有開先之命帝能降鑒俯垂春祐之情  
儻率勵於翹勤必導迎於景貺臣等式循科  
法備舉明科壇開預夕之嚴詞吐中情之切  
上資家國普濟幽明先期齋範之行儆載真

庭之啓驛龍上奏羽蓋分馳鑿神道之權與  
示天威於咫尺保全釐事將覃及於人天克  
舉重穆庶幾成於志願披誠伊始隕祉有初  
弟子詞誠謹當宣示

宣詞

諱詳詞語灼見至誠蓋純意以彌動望真旂  
而乃瞻霞裾旒集雲篆數披緡壇欵劬珮之  
臨玉祀轉旌幢之影儼珍籙而俯供酌醴醕  
以交神鍾虞奏音與信詞而並發爐香騰氣  
隨馨德以升聞諒冥感之交通獲上靈之昭  
應臣等備員攝事按式宣科先取陰時說戒  
以今建壇為始敷行法事伏乞  
太上三尊十方眾聖玄中大法師應感真靈  
勅勒監齋曹屬土地真官戴肅威神式嚴壇  
宇用後雲駢之集以迎天仗之來使邪穢蕩  
除埃氛速隔宇宙澄寂八風不翔今臣等神  
氣不遷恩念幸感啓奏上達成就齋功須明  
且清曉依法行道續以啓聞

發願

都講舉存神燒香

高功復爐

香官使者左右龍虎君侍香諸靈官當令臣  
向來宿啓建壇之所自然生金液丹碧芝英  
百靈衆真交會在此香火爐前當願蠲誠上  
達鳳輦下臨察其五蘊之情畢乃一壇之願  
使災不生而禍不作壽彌久而福彌昌厥子  
厥孫轉榮轉貴十方仙童玉女接侍蘭煙傳  
臣向來所奏之誠速達徑御  
至真元極大道  
三清上聖

吳天金闕玉皇上帝御前

知磬舉出堂頌 出戶

引至六幕堂

道門科範大全集卷之七

道門科範大全集卷之八

廣成先生 杜光庭剛定

消災道場儀

設醮行道

都講舉各禮師存念如法

高功宣衛靈呪

五星列照煥明五方 水星却災 木德致昌  
榮感消禍 太白辟兵 鎮星四據 家國利亨  
名刊玉簡 字鍊帝房 乘應散景 飛騰太空  
出入冥無 遊宴十方 五雲浮蓋 招神攝風  
役使萬靈 上衛仙翁 和與道合真

都講舉鳴法鼓二十四通

高功發爐

無上三天玄元始三炁太上老君召出臣等  
身中三五功曹左右官使者左右捧香驛龍  
騎吏侍香金童傳言散花玉女五帝直符直  
日香官使者各三十六人出者嚴裝顯服  
冠帶垂纓關啓此間土地方域神真臣今設  
醮朝修謹奏爲入憲其諸丹悃具載疏文願  
得

太上十方正真生炁靈寶瑞光下降流入臣  
等身中令臣所奏之誠速達徑御  
至真元極大道  
三清上聖

吳天金闕玉皇上帝御前

都講舉請稱法位

具位臣某與合壇官衆等謹同誠上啓  
虛无自然元始天尊太上玉晨大道君太上  
金闕老君太上昊天玉皇上帝九皇至尊十  
方靈寶天尊諸天大帝三十六部尊經玄中  
大法師上相上宰上保上傳三官五帝十一  
大曜星君十神太一真君南斗六司真君北  
斗七元星君周天乾象二十八宿十二官神  
三百六十五度諸天列宿本命元辰天曹職  
司九天真宰三山五嶽福地靖廬厚地洞宮  
樓瀆主宰三界應感一切真靈巨闡玉天嚴  
遠難陞浩劫之家金洞渺清徒仰素靈之館  
粵尊帝而在上握化紀以居中啓十方無礙  
之心應物而動號三界大慈之父視人如傷  
俯仰鬱羅之臺卷舒投芥之劫回瞻萬兆悲